

سورة
٥



Refik

یکرمی بش سنه

337

سپر غوغاسی

مهری :

احمد رفیق



استانبول

اورخانیہ مطبعہ سی

۱۳۳۳

(RECAP)

DR 534

.25

.R4

يکرمی بش سنه

سپر غوغاسی

آتالیمزك غیرتی

آتالیمز هیچ بر زورلقدن چکینمز لردی . بر ایشه باشلادقلری زمان سوکنه قدر طایانیرلر ، ثبات ایدرلر ، سوکنده موفوق اولورلردی . بر ایشی باشه چیقارمق ایچون هر شیئه قاتلانمق ، اولومه کوکس کرمک ، آجلقه و صوسزلغه طایانمق ، ییللرجه اوصانچ کتیرمه مک ، قهرمان آتالیمزك عادتی ایدی . اونلر بوسایه ده هر شیئی قازانیرلر ، دشمنلرینی بوسایه ده یگه رلر ، قوجه قوجه اولسکه لری بوسایه ده فتح ایدرلردی .

زمان اولوردی که ، بر محاربه کونلرجه ، قان و آتش ایچنده ، سورر ، کیدردی . دشمنک طویلری جهنم کبی آتشلر صاچار ، قارلر بورام بورام یاغار ، بورالر و فورطنه لر اورتالنی بر برینه قاتاردی . آرسلان آتالیمز بو بیك درلو زورلقلر ایچنده ، دولتمزك شاتی یوکسلمک ایچون آتشلره

وَ صوغوقلره کوکس کررلر ، هجوملره طایانیرلر ، نتیجهده محاربه یی شانله ، شرفله قازانیرلردی .

زمان اولوردی که ، بر سفر اون بش ، حتی یکرمی سنه سورردی . آنالرینک یوردلرندن آریلانلر ، اولرینه دوندکلری زمان ، اوغوللرینی یتشمش بابا یکیتم بولورلردی . محاربه میدانلرنده ، غزرا یوللرنده ، آقینلرده ، صاحچلرینی صاقللرینی آغارتیرلردی . اونلرک فکرنجه ، محاربهده یاشهید اولمالی ، یاخود آنا یوردینه دشمنی اُزه رک ، تپه لیه رک ، غازی اولارق دونمعلی ایدی . بونی ذهنته یرلشدیرن هر عسکر ، محاربه میداننده یاشهید اولور ویاخود دشمنی ازدکدن صوگرا وطننه قاووشوردی . اولومدن قوررقق قهرمان آنالریمز ایچون بر ذل ایدی .

آنالریمز قوجه اولسکلری فتح ایتدکلری زمان ، بزدن یوزقات ، حتی بیکقات زیاده کوجلک چکدیله . اوزمانلر ، شمیدی کبی ، دوم دوز یوللر ، ییلدیریم کبی اوچان شمندوفرلر یوقدی . استانبولدن قالقان قوجه براردو بایرلر کچهرک ، طاعلر ، یاماچلر آشارق موسقوف سنورینه قدر یورویه یورویه کیدردی . یوللرک هر زحمتنه قاتلانیردی . یاغمور ، قار ، فورطنه نه در بیلمزدی . بو قدر زورلقلردن صوگرا یینه دشمنلرینه غلبه چالاردی . تفنکلری ، بزکمیلر کبی ، دقیقهده یوزلرجه قورشون آتان تفنکلردن دکلدی :

اوقاه، قیدججه محاربه ایدرلر، دشمنک اوزرینه یالین قیلیج اوغرارلردی. فدائیلک اونلر ایچون بر صنعتدی. دشمنه هجوم ایدیله جتی زمان ایچلرندن بر چوغی دال قیلیج، سردنکچدی یازیلیرلردی. دشمنی ازمک ایچون جانلری هیچه صایارلر، آرسلانلرکی صالدرلردی. بعضاً دشمنلریمز قالین دیوارلر، درین سپرلر ایچنه کیزله نیرلر، آتشمزدن کندیلری قورومايه چالیشیرلردی. دشمنک بو حالی محاربه بی اوزاتدیجه اوزاتیردی. جسور عسکرلریمز دشمنی سپرلی کریسنده یگمک ایچونده چاره دوشونورلر، هر درلو زورلقلری سوینه سوینه کوزه آلدیرلردی: در حال قازمه کوره کلرله طور اقلری قزارلر، قایالری دلرلر، ير آلتندن دشمنک سپرلی ایچنه کیرمکه چالیشیرلردی. بعضاً دشمنده بزم بو حرکتی آگلار، عسکرلریمی ایچری صوقامق ایچون اوده بزه قارشیلق ير آلتندن یوللر آچاردی. اوزمان، دشمنلریله ير یوزنده چاریشمقدن اوصامیان قهرمانلریمک طور اقلر آلتندهده چاریشداقلری کورولوردی. عثمانلی عسکرلی غلبه ایچون هر شیده قاتلانیردی: يرک آلتنی اوستنی قازمه سیله، کوره کیله قاریشدرلر، دشمنک اقلین سپرلی باروتلرله هوايه اوچورور، لغملر باطالاتیر، بومبهرل فیرلاتیردی. چوقی صیقیه کلیرسه، قلعه ایچنده، باروتی ده کندی یاپاردی. بوتون بوفدا کارلقلر و قهرمانلقلر سایه سنده

دشمنه همه حال غلبه چالاردی .

تاریخمزمك همان هر صحیفه سی جسور آتالریمزمك بویله
 بیگلرجه شانلی وقعه لری ایله طولودر . اردومزمك تاریخنده
 بر ییلده بیتمش بر سفر یوقدر . بر چوق سفرلریمز اون
 بش سنه ، حتی یکرمی بش سنه سورمشدر . بویکرمی بش
 سنه نك هر کونی ده آتالریمزمك یاخازق العاده ایشری ، ویاغقله
 وخیاله صیغمیان ظفرلریله پارلامشدر . بوکالك کوزل مثال :
 تمام یکرمی بش سنه قره ده ، دکزده ، اردولریمزمی
 و دونانمالریمزمی ظفردن ظفره قوشدیران کرید سفریدر .

گرید سفری ناصل باشلادی ؟

گرید سفری پادشاهلریمزدن سلطان ابراهیم خان زماننده باشلادی (۱۰۵۵). سببی مهدی : پادشاه، قیزلر آغاسی سنبل آغانک بعض یولسز ایشلرینه قیزدی . اونی مصره سورکون ایتدی . اودورده قیزلر آغاسی اولان حرم آغلاری برقباحت یاپدقلری زمان مصره سورولورلر، اکثریا عمرلرینک صوگنه قدر اوراده قالیرلردی . شاید اولورلرسه، ماللری وپاره لری پادشاهک خزینه سنه آدی ریلیردی . سنبل آغانک یاننده جاریه لر وقادینلرده واردی . بونلر هپ برلکده ، قالبون دنیلن ، برکمی یه بندیلر . تمام آلتی یوز کیشی استانبولدن یوله چیقديلر . اوزمانلر آق دکزده قورصان کیملری کزردی . بونلر ایشیا یوکلی کیملری اوررلر، ایشیلری یغما ایدرلر ، ایچنده کی آدملری اسیر ایدوب کوتوررلردی . ایشته بوقورصان کیملرندن بر قاجی سنبل آغانک بولوندیغی کینک یوله چیقدیغنی خبر آلدیلر . بونلرک مصره کیتمک ایچون کرید آطه سنه بهمه حال اوغرا ایاجقلرینی بیلورلردی . طوغرو کرید آطه سنه کلدیلر . لیمانلردن برینه صاقلاندیلر ، سنبل آغانک بیندیگی کمی کلنجیه قدر بکله دیلر .

سنبل آغا، قورصان کمیلرینک کندیسنی بکله دکلرینی خبر آلدی. قاپودان :

— کیتیمه لم. بر قاق کون رودوس آطه سنده قالالم .
 کیمزده جیخانہ یوق. بونلرله باشه چیقامایز. دیدی.
 سنبل آغا دیکله مه دی. نهایت یوله چیقیلدی. تام کرید آطه سی
 آچقیرینه کلنجه، قارشیلرینه قورصان کمیلری چیقیوریدیلر.
 سنبل آغا شاشیردی. خلق تلاشه دوشدی. نهایت قورصانلرله
 محاربه یه باشلا دیلر. قورصان کیمسنده قوجه قوجه طوپلر
 واردی. بو طوپلره قارشى سنبل آغا وارقداشلری بر ایش
 کورمه دیلر. خان دشمنک آتشی آلتنده سنبل آغا، کمینک
 قاپودانی، بر چوق قادین، چولق چوجق تلف اولدیلر .
 آلتی یوز کشیدن آنجق آلتش کشی قورتولا بیلدی .
 اولرده خان قورصانلرک آینه اسیر دوشدیلر . قورصانلر
 کمی بی طوتدیلر. ایچنده کی ارزاقی ضبط، انسانلری اسیر
 ایتدیلر . کیمده بر چوق آت واردی . فقط ایچلرنده اک
 کوزلی، سنبل آغانک آتی ایدی . قورصانلر بو آتی کرید
 آطه سنده، قندیه قلعه سنک بکنه هدیه کورتورمک ایسته دیلر.
 آتی قره یه چیقاردیلر. هرکس تورکلردن آلینان بوجنس
 حیوانی کورمک ایچون اسکله یه قوشوشدیلر. اهالی ارمه سنده
 برده پاپاس واردی . آتک قره یه چیقما سی بو پاپاسک هیچ
 خوشنه کیتمه دی. یورد مزده یتیشن بو کوزل آت، آرسلانلر

کبی صالحنه صالحنه سوقاقدن کچرکن، پاپاس بایاغی کدرلندی:
 — تورک آتک بورایه آیاق باصماسی ای اولمادی .
 رودوسده ، قبریسهده بویله اولدی . صوگراو آطه لر هپ
 تورکک آینه کچدی !

دیدي . پاپاسک سوری طوغرو چیقدي . فی الحقیقه ،
 سنبل آغانک اوغرا دینی فلاکت استانبولده خبر آلندی .
 وندی کلی قورصانلرک بویولسز ایشلری بادشاهمزک کوجنه
 کیتدی . دشمنه بوقباحتنک جزاسنی ویرمک ایچون وندی کلیله
 سفر آچیلدی . سفره یوسف پاشا سردار تعیین اولوندی .
 ترسانهده کیجه کوندوز چالیشلدی . کمیلر ، کوره کچیلر
 حاضر لاندی . ماونه لر ، قادرغله تدارک اولوندی . سلطان
 ابراهیم هر کون ترسانه یه کیدر ، کمیلرک بر آن اول حاضر لانسنه
 غیرت ایدردی .

نهایت نیسانده حاضرلق بیتدی . یوسف پاشا یوزلرجه
 کمی ، بیگلرجه عسکرله استانبولدن یوله چیقدی . قیلردن
 آچیلدینی زمان ، دشمنک اوافق تفک کمیلرینه راست کلدی .
 مکر وندی کلیلر کیدرک امدادینه یتشمک ایچون درحال
 جبخانه طولو بر کمی کوندرمشلر . بوکمی بر جملهده ضبط
 اولوندی . ایچندن آلینان اسیرلر کوره که قونولدی .

یوسف پاشا فورطنه لره کوکس کره رک ، راست کلدیکی
 کمیلری یا قالا یارق ، کرید آطه سنه یا قلاشدی . بر کون ، ایکندی یه

طوغرو، اوزاقدن بردومان کورولدی. دشمنک، کوزجیلری
 عثمانلی دوناماسنی اوزاقدن کورونجه چار چایق آتش یاقشیر:
 «عثمانلیلر کلیور!» دییه کری یه اشارت ویریورلردی. یوسف
 پاشا دشمنک بوحرکنه هیچ آلدیرمادی. ایزاقدن کوزل
 کریدک طاغلری سچیلدی. اوکون، برحزیران آقشامی ایدی.
 کونش، مائی دکزک اوستدن یاواش یاواش باتیوردی.
 اطرافی برقیز یللق قابلامشدی. روزکار براسرت اسیوردی.
 برقاچ دقیقه صوکر اورتالغه قارانلق چوکدی. کیلیریمزده
 فانوسلر یاقیلدی. دونامامز استانبولدن چیقالمی ایکی آه،
 اولمشدی. عسکر سوینج ایچنده ایدی. آرتق بوکوزل
 آطه ده بزم اولاجقدی. بوتون نفرلر دشمن قلعه لرینی،
 طوپلرینی کوزلرینک اوکنه کتیریورلر، دشمنک اوزرینه
 ناصل آتیلایقلرینی تا صارلایورلردی. قهرمان عسکرلریمز
 وندیکیلره حدلرینی بیلدیره جکلر، عثمانلی پادشاهنک کیسنه
 صاناشمایی اونلره اوکره ته جکلردی.

کریدده مراد آغا ، دلی قورد

کریده چیقان عسکرلریمز اره سنده پک دکرنی قهرمانلر
واردی : مثلا قره باتاق بک ، یکچیچی کتخداسی مراد
آغا ، روم ایلی بککربکیسی حسن پاشا، سردنکچدی آغاسی
دلی قورد، دولت وملت اوغورنده جان ویرمکدن چکینمه بن
آرسلان یوره کللی بابا یکیتلردی. قره باتاق بک، دشمن کیملرینی
بر حمله ده پریشان ایدر، دکزک اک آزعین زمانلرنده دشمنی
اوره قمدن حظ طویاردی . حسن پاشا ، غزا کورمش ،
دلاورلکلر کوسترمش، آغیر باشلی، تجربله لی بر قومانداندی.
دلی قورد ، محاربه نک اک قیزغین زماننده سردنکچدی لک
باشنه کچر ، طوییدن ، تفنکدن ، قورشوندن ، لغمدن ،
بومبادن ییلماز، کندینی هیچ پروا ایتهدن آتسه سالاردی.
مراد آغا، هیتلی، وقارلی بر قهرماندی. جسارتی و مردلکی
ایله کندیسینی بوتون عسکره سودیرمشدی. مراد آغانک
اک قیمتلی ایکی شیئی واردی: قور و باروت، یاغلی قورشون.
اولومدن قورقماز ، یورغونلق نه در ییلمزدی. او، یالکمز
برشیدن حظ ایدردی: دشمنی یگمک ، الندن کلدیکی قدر
چوق دشمن اولدیرمک . بو مراده ایرمک ایچون سپرلر

ایچنده یاتار ، دیوارلره چیقار ، آجلفه طایانیر ، قیشه ، صوغوغه ، آجییه ، هر شیئه قاتلانیردی .

فقط سردار یوسف پاشاده ، مراد آغا کجی ، دکرلی بر پاشا ایدی . یوسف پاشا ، هم جسور ، هم ده مرحمتلی ایدی . دیننه غایت صاعلامدی . غزانک دین و دولتتمزک دشمنلری تپه له مک ایچون یاییلدیغنی بیلیردی . دینمز نه امر اییدیورسه اونی اجرا ایدردی . دشمنک اختیارلرینه قادینلرینه ، چوجقلرینه ایلیشمزدی . اونلر نه زمان اسیر ایدلسه لر ، هپسنی ده بر شیله سویندیرر ، آزاد ایدردی . دشمنک باغلرینه ، باغچه لرینه ، آغاجلرینه ال سوردیرمز ، اسیرلری ناحق یره اولدیرتمزدی .

ایشته کرید آطه سنه چیقان اردومز ، بویله دیننه صاعلام ، حقدن آگلار ، اللهدن قورقار ، فداکار قهرمانلرک النده ایدی .

کریده چیقلدیغنی کون عسکر سوینچ ایچنده ایدی . دها ایلك حمله ده کریده بر چوق کویلر ، قصبه لر آندی . سردارک مقصدی ، اصل کریدک اک بویوک قلعه سی اولان (حانیه) قلعه سنی آلمقدی . ذاتا کریده بللی باشلی اوج بویوک قلعه واردی که ، اونلرده (حانیه) ، (ره سمو) و (قندیه) قلعه لر ایدی . بو قلعه لر غایت صاعلام یاییلمشدی . هله حانیه قلعه سی وندیکیلر طرفندن سنه لرجه چالیشلوب میدانه

کتیرلمشدی . هر بری بر قلعه بویوکلکنده برجلرله
 قوتلندیلمشدی . هر بر جک ایچنده یکر میشر بال یمز طوپ
 وَ بیک نفر واردی . قلعه دیواری اوقدر قایلین ایدی که ،
 اوزرندن یان یانه بش آتلی کچه بیلیردی . بر چوق یرلری
 طوپراق سپرلرله تولدیرلمشدی . غایت بویوک جبخانه مخزنلری
 واردی . قلعه بی دکزدن قوشاتمق غایت زوردی . طوپلری
 دکز طرفی ده دوکه بیلیردی . طیشنده کی خندق اون بش
 آرشون درینلکنده ایدی . کنیشلکی ده یتیم ایکی زراع ایدی .
 ایشته عسکرلریمز سنه لردن بری یاییلان ، بویولتولن
 بو قوجه قلعه بی آلا جقلردی . فقط بو قلعه ده آلینجه ، اویله کوزل
 یرلر الیزه کچه جکدی که ، عاداتا جتندی : باغلر ، باغچلر ،
 کوزل صولر ، میوه آغا جاری ، یشیل چاملر ، عسکرلریمز ،
 برقات دها شوقه کتیریوردی . حانیه نک بوتون باغچلری
 کستانه ، طورنج ولیمون آغا جریله طولو ایدی . کلستانلری ،
 باغچلری ، مسک کبی قویوردی .

مراد آغانك قهرمانقلری

سردارک امری ایله نهایت حانیه قلعهسی قوشاتلدی .
 حانیه نك یاننده کی آطه لر برر آیلندی . طوپ ، تفك
 کورولتولری اورتالنی صارصمایه باشلادی . دکزدن کیلریمزک ،
 قره دن عسکرلریمزک طوپلری دیوارلری پارچالادی . کولک
 یوزینی قاره بردومان قاپلادی . دشمنک حیله سنه ، خدعه سنه
 باقلمادی . قوردینی لغملر پاطلاتلدی . غازیلریمزدن نیجه لری
 شهید اولدی . فقط شهید اولانلرک آرقداشلی قارداشلینک
 انتقامی آلمقدن کری طورمادیلر . حانیه نك یانی باشنده کی
 (آیا طودوری) قلعهسی بر حمله ده آیلندی . لغملر ده شهید
 اولان غازیلرک انتقامی دشمنک یاننه براقلمادی . دشمن
 کله لری سردارک اوکنه کتیلدی . عسکر بو غیرتله ، بو
 شدتله حانیه قلعهسی قوشاتمایه باشلادی .

اولا ، حانیه یه طیشاریدن امداد کله سین دییه دکز
 طرفنده کی بوغازلر طوتولدی . قلعه یی طوپ آتشنه طوتمق
 ایچون قارشیده کی یوکسک تپه لره سپرلر قازیلدی ، طوپلر
 یرلشدیرادی . مراد آغاده بو ائشاده معیتنده کی غازیلرله سپره
 کیردی . هرشی تمام اولنجه ، طوپلریمزک ولوله سی افلاکه

چیقدی . دشمن نهیه اوغرادینغی بيله مه دی . بر طرفدن
 کیمیریمز اطرافه آتش یاغدی ریور ، دیگر طرفدن سپرلردن
 قلعه یه ایری بالیمز طوپلرله کولله لر صاورول یوردی . اوکون ،
 حزیرانک اون یدسی ایدی . هوا غایت صیجاقدی . عسکر
 قان تر ایچنده ایدی . هر کسده بر فعالیت واردی . جنک ،
 عثمانلیرک بایرامی ، امتحان ، شان ، شرف یری ایدی .
 هر کس ازلکنی ، مردلکنی جنک یرنده کوستر ، اوراده
 نام آلیر ، اولنجیه قدر او نام ایله آگیلیدی . قره باتاق ،
 دلی قورد ، قره چاوش ، طاغیر دلیسی کبی لقبیر ، یکیت
 عسکرلریمزک جنکلرده ، صاواشلرده ، ازلک میدانلرنده
 آلدقاری فاملردی . تورکلرده یکیت لقبیله آگیلیدی .
 قره مراد آغا ، قره باتاق بک سوینجلردن چیلدیر -
 ییوردی . حتی سردار یوسف پاشا بيله عسکرک شوق
 و غیرتی کورنجه طایانامادی . درحال آره لرینه قاریشدی .
 اونلری تشویقه ، تشجیعه باشلادی . بو صروده مدهش بر
 کورولتو اورتالنی صارصدی . قوجه بر کولله ، اطرافنه
 دو مانلر صاووراق ، سردارک یانی باشنه دوشدی . روم ایلی
 سپاهیلردن درت بش کشی او آنده شهید اولدی . سردار ،
 غیرتی هیچ بوزمادی . کولله نک کلدیکی یرده طوپراق
 سپدلری واردی . بوسپدلرک اوچنی بردن دویروب کچدی ،
 اوراده ، طوپراغه صاپلاندى ، قالدی . دشمنک طوپنی ،

تفنگی عسکرلریمزك جسارتی قیرامادی. مراد آغا سپرلر قازارق
 آدیم آدیم ایلریله یوردی. غازیلریمزدن اوچ یوزکشی دشمنك
 لیماندن قره یه دوکدیگی بیگلرجه پیاده سنی، سواریسنی طارما
 طاغین ایدیوردی .

بو محاربه نك الكجسور قهرمانی مراد آغا ایدی. دشمن
 بیله اونك جسارتندن بیامشدی . مراد آغا ، محاصره نك
 بشنجی کونی حانیه نك سپرلرینه قدر ایلریله دی . دشمنك
 عسکرلریمزه هجوم ایچون قلعه دن طیشاری به اوغرایان
 عسکرلرینی طارما طاغین ایتدی . مراد آغانك الندن
 قورتولانلر ، یاره لرندن قانلر آقارق ، خندکه دوکولدیلر .
 بر چوقلری قولسز ، باشسز یرلره سریلدیلر . آرتق بو
 طایاقدن سوکرا ، بر ده ا قلعه دن طیشاری چیقمايه جسارت
 ایده مه دیلر .

محاصره نك طقوزنجی کونی ، قندیه قلعه سنده کی دشمن
 بکلری عثمانلیلرک حانیه بی قوشاتدقلرینی خبر آلدیلر . حانیه نك
 امدادینه قوتلی بر مفرزه کوندردیلر . فقط دو قه کین علی
 بکک قهرمانغی سایه سنده دشمنك بوقوتی ده پوسکورتولدی .
 علی بک حانیه اطرافنی صیم صیقی محافظه ایتدی ، معیتده کی
 سردنکچدیلرله همان هر طرفه یتیشه بیلدی .

محاصره نك اون برنجی کونی جزایردن اردومنه کیلر
 طولوسی امداد کلدی . او کون عسکرلریمزك یوزی کولدی .

طوپلر آتیلدی ، تفنک شئلکری یاپیلدی . بوتون طوپلره بر فتیلدن آتش ویرلدی ، آرتق سپرلیمز حانیه دیوارلرینه بسبتون یاقلاشمسدی . فقط قلعه نك دیوارلری غایت قالدندی . بونلری طوپله ، تفنکله بیقماق پك زوردی . بونك ایچون یر آلتندن یوللر آچیلمايه قرار ویرلدی . عسکرلیمز کیجه کوندوز چالیشدیلر . یر آلتندن یوللر آچدیلر . مکر دشمن بو حرکتمزك فرقه وارمش . اوده بزه قارشلیق یول آچمايه باشلادی . ایکی طرف یر آلتنده بر بریله قارشلاشدی . حربه ، خنجر ، قیلیچ ، تفنکله اویله شدتلی بر محاربه اولدی که ، یر یوزنده کورولتوسندن طورولامادی . نتیجه ده ینه قهرمان عسکرلیمز غالب کلدی . دشمن بو ظفرلریمزدن آرتق امیدسز قالدی . قندیه دن امداد ایسته دی . فقط امداده کلن عسکری ، غازیلریمز کیجه یاریسی قوشاندیلر ، اولره اویله بر قیلیچ چالدیلر که هیچ بری قورتولامادی . بو کیجه جنکی پك شدتلی اولدی . صباح اولنجه ، غازیلریمز دشمنندن آدقلری اوچ طاوول ، ایکی بایراق ، یوزاون اسیر وایکی یوز کله ایله سردارک حضورینه کلدیلر . مردلکلرینی ، فدا کارلقلرینی بو صورتله اثبات ایتدیلر .

دشمن ، غازیلریمزک بو قهرمانلقلرینی کوردکجه ییلغینلق کوستریوردی . نهایت قلعه نك قاپیسی اوکنه کنیش برخندک قازمايه باشلادی . قوجه بر طابیه یاپدی . بر کون عسکرلیمزدن

بر قسمی، مراد آغانک خبری اولادن، بو طایبه یه هجوم ایتدیلر.
 فقط ای یامادیلر . چونکه ضابطک امری اولادن یرندن
 قیملداق جائز دکدر . کندی باشنه کیدن عسکر دائماً
 جزا کورر . بوجزا یالکز ضابطی طرفندن اولماز ، دشمن
 طرفندن ده اولور . ایشه او عسکر لرده بوحر کتیرینک
 جزاسنی کوردیلر ، پک چوق تلفات ویردیلر . ارقداشلی
 بوندن عبارت آلدیلر ، بردها آغلرینه طانیشمان یرلرندن
 قیملدامادیلر .

محاصره نک یکرمی بشنجی کونی سپرلیمز دشمن قلعه -
 سنک خندکنه قدر طایاندی . قلعه نک خندکی غایت کینشدی .
 بو خندکی کچوب ایچری کیرمک غایت زوردی . هله خندکک
 طوپراقله طولدیرلماسی ممکن دکلدی . ممکن اولسه بیله
 اوزون سوره جکدی . بومدت طرفنده دشمنه امداد کلک
 احتمالی واردی . قیش ده یاقلاشیوردی . لیمانده فورطنه
 اولوردی ، کیملرک بارینماسی قابل اولامازدی . بونک ایچون
 سردار یوسف پاشا ایلک اول بویوللره باصقین یابدیردی .
 مراد آغا ، معیتده کی غازیلره شدتلی بر هجوم اجرا ایتدی ،
 دشمنی ایچری قاچیردی . دشمن خندکه کیرن غازیلریمزه
 طوپ و تفنک آتشی یاغدیردی . غازیلریمزی خندکدن
 طیشاری چیقارمامایه چالیشدی . بردرلو موفق اولامادی .
 بزم طرفنده ایسه خندک آئیندینی ایچون شنکلر یاییلور ،

گمیلردن طوپلر آتیلوردی . عسکرلریمز برطرفدن خندکه
 يرلهشیورلر، دیکر طرفدن طوپراق قازمایه جالیشیورلردی .
 فقط بوایش غایت کوجدی : خندکک یانلری کاملاً قایلقدی .
 یوسف پاشا طوپراق سپرلر یاپارق قلعه بدننه یاناشمق
 امکانش اولدیغنی کوردی . عسکره :

— خندکدن قلعه یه قدر ایکی طرفلی سپد ، چوال ،
 طوربه نه بولورسه کز ، ایچنه طوپراق طولدیروب دیزک ،
 اره سندن کچوب کیرک !

دیه امروردی . بواصر درحال یرینه کتیریلدی .
 غازیلریمز جالیشدیلر ، چابالادیلر ؛ سپدلری ، چواللری
 طوپراقله طولدیردیلر، ایکی صره دیزدیلر ، دشمن آتشدن
 قابالی بریول میدانه کتیردیلر . بوایشلری کوررکن یارالاندیلر،
 یاره لرندن قانلر آقه آقه ایشلرینی کوردیلر . ایچلرندن شهید
 اولانلرده واردی . بوندن ده اورکمه دیلر ، هرفدا کارلغه
 قاتلاندىلر ، سردارک امرینی یرینه کتیردیلر .

قلعه یه بوصورتله یول آچیلنجه ، ایلک اول غازی مراد
 آغا بویولدن قلعه بدننه قدر ایلریله مک ایچون آتیلدی .
 مراد آغانک هیچ برشیدن پرواسی یوقدی . فقط دیواری
 کورونجه ، دوشوندی . قلعه دیوارینی دلدیروب ایچری
 کیرمه که قرار ویردی . اوزمانلر اردومزده تقابلر یعنی دیوار

دلیجیلر واردی . بونلره امر ویردی . ایکی نقاب کیجه کیجه کوندوز چالیشدیله ، چالادیلر . دیوار او قدر قالندی که ، کونده انجق زورله ، بیک کوجلکه ، برایکی طاش قوپاراییله . نهایت امکلره ، قان تر ایچنده قالارق ، دیواری کوچ بلا دله بیلدیله . بودلیک آچیلجه ، آرتق دشمن ، عسکریمزک بولوندینی خندکه قدر ایلیلیه مه دی . فقط غازیلریمزى راحتسز ایتمکدن ده کرى طورمادی . همان هر کون ، غازیلریمز دها زیاده ایلیلیه مه سین دیسه اوزرلرینه دیوارلردن طاشلر ، خبره لر ، غازلی پاچورالر ، یاقوب آتیورلردی . غازیلریمز بو آتشلردن اورکیمورلر ، آلورلر ایچنده بیله ایشلرینی کوریورلردی . بعضاً دشمن ، صندالری زفته ، قطرانه بولایور ، آتشله پارلاتوب غازیلر - یمزک اوزرینه یوارلایوردی . غازیلریمز آلورلر ایچنه طالیورلر ، آتشی سوندیرمهک چالیشیورلردی . سردار یوسف پاشاده خندکه کیرمشدی . اوده غازیلری تشجیع ایدیور ، اونلرک اړلکلرینی ، مردلکلرینی کوردکجه سوینجندن کوزلری یاشاریوردی .

دشمن آرتق غازیلرک خندکدن طیشاری یه چیقما بیله - جکلرینی آکلادی . ایچریدنه خندکلر قازمایه باشلادی . فقط نه یاپسه فاندسز ایدی : قهرمان غازیلریمز قلعه یه هجوم ایچون کدکلری آچمشلر ، کویورلری قورمشلر ، طوپلری

یرلشدیرمشلردی . سردنکچدیله ، اللرنده قیلیجلر ،
کوزلرندن آتیش صاچارق هجوم امرینه باقیورلر ، دال
قیلیجلر ، آوینی کوزله این شاهینلرکی ، هجومی بکله یورلردی .

قائلی هجوم ، فلعه نك فتحی

محاصره نك قرق برنجی كونی ایدی . دشمنك اك صاغلام
 كورونن برجنك آلتنه برلغم قازیلش ، ایچنه یوز اللی قطار
 باروت قونولمشدی . اوكون قوجه برلغم آتیلاجقدی .
 اورتالقده برسكون واردی . هر كس سپرلرینه چكلمشدی .
 دشمنك بو لغمی آگلامامسی ایچون بر آن اول آتیلماسی
 لازمدی . سردار امر ویردی ، لغم آتشلندی . بر ساعت
 قدر ، هیچ برشی طویونادی . باروت ، طوبراغك آلتنده ،
 بر ساعت قدر قایناشدی . براز صوكر اورتالق مدهش بر
 كورولتوایله صارصیلدی . كوك یوزینی قره بردومان قاپلادی .
 هوادن ایری ایری طاشلریاغمایه باشلادی . هر كس ، نه اولویورز
 دییه شاشیردی . غازیلریمزدن بر چوغی طاش یاغمورندن
 یارالاندی . دشمن نهیه اوغرا دیغنی بیلمه دی ، قلعه یرك
 دینه كچدی صاندی . غازیلریمزدن پك چوغی ده بو كورولتودن
 هیچ تلاشه دوشمه دیلر ، حتی بونی هجوم ایچون بر اشارت
 صاندیلر ، بردنبره یرلرندن فیرلادیلر ، قلعه دیوارینه طوغرو
 آتیلدیلر ، اللرینه كچن دشمنی تیلیجدن كچیردیلر . براز
 صوكر اورتالق یاتیشدی . آچیلان كدك اولچولدیكى زمان

کورو لدی که، تمام سکسان بر ذراع یر آچیلش. آرتق بوراسی هجوم ایچون پک مناسبدی .

هجومی دشمن ده آگلامشدی . اوکون عادتا قیامت کونی ایدی : حانیه کلیساسنک چان قوله سنده آتشلر یانیور، کوک یوزینی قره بر بولو ط قابلا یور، چا گکر چالینیور، اهالی آجی آجی باغیریشیوردی . دشمن، بو حالیه، طیشاریدن امداد ایسته یوردی . وقتیه ون دیکلیلرک هجومه اوغراد قلی زمان، دکز اور تاسنده، وطنلرندن اوزا قده، قادی نریمز، چولقلریمز، چوجقلریمزده بویه آجی آجی باغیریشمشنردی . او زمان اونلرک امدادینه هیچ بریتیشن اولماشدی . چولق چوجق دکزلرده بوغولمشدی . ناموس، حیثیت، شرف، هیچ بری کوزه دلده مشدی . شمدی بو، جناب حقک دشمنلردن انتقامی ایدی .

قلعه ده کورولتو آلان دوام ایدیوردی . طابیه لریمزه زفلی پاچاورالر آتیلور، هر طرف آتیش ایچنده قالیوردی . هیچ برشیدن قورقما یان غازی لریمز آتشلر ایچنه صالدری یورلر، برمدتده آتشلر ایچنده اوغراشیورلردی .

محاصره نك قرق دردنجی کونی ایدی . ایرتسی صباح هجوم ایدیه جکدی . اوصباح هر کس حاضر دی . هجوم اشارتی ایچون بش طویه بردن آتیش ویرلدی . برمدت اورنالق بر برینه قاریشدی .

غازیلر الله ! الله آوازه سیله سورلره طیرمانمایه باشلادیلر .
 بوقهرمانلق کوروله جک شیدی : عسکر آلائی ، آلائی ،
 قول قول هجوم ایدیوردی . دال قیلیجر ، سردنکچدیلر ،
 خندکلردن فیرلایورلر ، دیوارلردن آتلا یورلردی . بعضلری
 قیلیجرنی دیشلری اده سنه صقیشدیرمشلر ، سورلری آتلامق
 ایچون چابالایورلر ، بعضلری طوتدقلری دشمنی تپه لیه رک
 قلعه بدنندن آشاغی آتورلردی . دوشن ، اولن ، یاره لانان ،
 تلف اولان حدسز حسابسز ایدی . غازیلریمزدن برچوغی
 دشمنک طوبندن ، تفنکنندن یارالانیور ، یاره سنه اهمیت
 ویرمیه رک جنکه دوام ایدیوردی . شهید اولانلر سوینه
 سوینه فدای جان ایلوردی . پاشار ، بکلر ، کتخدالره پ
 عسکر اده سنده ایدی . بو جنکده قره مراد آغا کیمسه یه
 میدان ویرمیوردی . قیلیجی صیرمش ، قان ترا یچنده ،
 راست کلدیکنی دویریوردی . نهایت دشمنک آتدیغی
 طاشلردن بری مراد آغایی ده یارالادی . فقط قهرمان مراد
 آغا یاره سنه باقادی ، دشمندن آدم اولدیردکجه جسارتی آرتدی .
 پیشنده غازیلر ، دشمنک بیغینلره عسکری ایچنه طالدی .
 سردار یوسف پاشاده غازیلره برابر چالیشیوردی .

جسور سردار :

— آرسلانلرم ، بابا بیکیتلرم !

دییه متصل غازیلری تشویق ایدیوردی . بوسره ده

بر کله پارچه سی کلدی . سردارده ، یاننده کیلرده ، دومانلر ایچنده قالدی . براز صوگرا دومان صیرلدی . یوسف پاشا، گویاهیچ برشی اولمامش کبی، غازیلری تشجیع ایدیوردی . اوکون دشمن بوهجومدن فناحالده صارصیلدی . سردار، دشمنک بوتون امیدلرینی قیرمایه قرار ویردی . هنوز ییقلیمیان برجلردن برینک آلتنه تکرار بر لغم قازدیردی . ایچنه باروت طولدیرتدی . محاصره نک اللی ایکنجی کونی ایکنجی بر هجوم یاییلاجق ، اوکونده بو لغمه آتش ویریله جکدی .

فی الحقیقه، بر هفته صوگرا ایکنجی هجوم باشلادی . بوتون عسکردها صباحدن سپرلره چکلدی . لغمه بردنبره آتش ویرلدی . قوجه برج، ایچنده کی دشمنله برابر، هوایه فیرلادی . اطرافنی توز، دومان ، باروت قوقوسی قاپلادی . کوزکوزی کورمن اولدی . غازیلر فرصتن بالاستفاده دومانک ایچنه طالدیلر ، تا صارلادقلری نقطه یه قدر ایلرله دیلر . دومان براز صوگرا صیرلدی . منظره بسبتون دیکشمشدی : برجلره بایراقلر دیکیلیور ، زورنا ، نفیر صدالری اورتالنی چینلاتیوردی . سردنکچدیلرله برابر قلعه یه ایلك کیرن ، حسن پاشایله غازی مراد آغا اولدی . کدکلر کاملاً آلیندی ؛ فقط محاربه نک هنوز آردی آلینادی . دشمن ، عنادینه ، طایاندقجه طایاندی . غازیلریمزه طوب و تفنک آتشی یاغدیردی . پاشالریمزدن بر

جوغی یارالاندی ، بر چوغی شهید اولدی . اوکون قلعه نك
 قلیج ایله آلینامه جفی آگلشیلدی . فقط هر نه اولورسه
 اولسون بهمه حال آلینا جقدی . عسکر آرتق کری چکلمیوردی .
 هپسی ده قلعه نك بر جلرینه یرلشمشدی . اوچنجی بر هجوم
 اسکیسندن دها قانلی ، دها زورلو اولاجقدی . غالباً دشمن
 قوماندانی ده بونی آگلادی . غازیلریمز بردها هجوم ایده جک
 اولورلرسه ، هم قلعه آلینا جق ، هم ده پک چوق آدم تلف
 اولاجقدی . بونک ایچون دشمن ، اللی درت کون غازیلریمزه
 قارشى طور مانی کافی کوردی . عسکر لریمزله باشه چیقامیه جفی
 آگلادی . اونلرک آتشدن ، طوبدن ، تفنکدن ، هیچ برشیدن
 بیلمادقلرینی کوردی . اوزر لرینه قلعه نك بوتون دیوار لرینی
 بیقسه ، اونلرینه هجوم ایده جکلردی . بو سبیدن تسلیم
 اولمقدن باشقه چاره قلمادیفنی کوردی .

بر صباح ، غازیلریمز دشمن طرفندن بر طاوول سسو
 ایشیتدیله . دشمن هجوم ایده جک صاندیلر ، در حال قلیج لرینه
 صاریلدیله . برده باقدیلر که دشمن قرمزى و سیاه بایراقلرینی
 ایندیرمش ، آق برسناجاق دیکمش . براز صوکر ا کوردیلر که ،
 دشمندن آدملر کلیور . همان بونلری قارشیلادیلر . کلن
 آدم غازیلره :

— امان پادشاهی وارمیدر ؟

دییه صوردی . غازیلریمز :

— واردرد .

دیدیلر . دشمنك سوزجیسنی حسن پاشانك یاننه
کتیردیلر . کلن آدم پاشانك اتکنی اوپدی :
— بی سردارك حضورینه کتورك .

دیدى . سردارك حضورینه کلدى . قلعه نك تسلیم اولاجنى
آگلاتدی . یوسف پاشا راضی اولدی . بری وندیگی ،
اوبری کریدلی ، ایکی کیشی سردارله کوروشدیلر . یوسف
پاشا دشمنه امان ویردی . حانیه ده کی کیلره بینوب چیقماسنه
رضا کوستردی . شهرده قالانلر ایسته دیکلری کبی
اوطوراجقلردی . بونلرک ماللرینه ، جانلرینه طوقونولیه جقدی .
سردار ایلچیلره بو سوزلری سویله دی . هدیه اولارقده
آرقه لرینه خلعت کیدیردی . او زمانلر بزده هدیه اولارق
خلعت کیدیرمک ، یعنی اثواب و کورک ویرمک عادتدی .
ایلچیلر پک ممنون اولدیلر . سوینه سوینه حصاره قوشدیلر .
براز صوکراده قلعه بی تسلیم ایتمکه باشلادیلر .

اوگون غازیلریمز ایچون عادتاً بایرامدی . بوتون غازیلر
قان دوکهرک ، جان ویره رک ، آلدقلری قلعه ده آرسلانلر کبی
طولاشیورلردی .

دشمن تکمیل یوکلرینی بش کمی به طولایدی . چولغنی

چوجغنی طوبلايوب قلعه دن چيقمايه باشلادی . يکيچريلر ، سپاهيلر ، سردنکچديلر ايکي صره اولمشردی ، دشمن ، مغلوب ومثاثر ، بو ايکي صره غازيلرک اره سندن کچور ، برر برر کهيلره بينوردی . بر آز سوکرا ایدی که ، کهيلر صولری يارارق حانيه قيسندن آچيلمايه باشلادی . بو ائانده قلعه نك برجلرنده بايراقلريمز طالغه لانيور ، حصارک اوزرنده کورول کورول اذانلر او قونيوردی .

يوسف پاشا حانيه يي آلدی . اها لنيک مالني ، جاتي محافظه ايتدی . سو قاقلره قره غول کبي چور باجي بولوکلری چيقاردی . دکانلری آچديردي . اها لنيه اولادی کبي باقدي . شهرده کي کليسالری جامع ياپدي ، هر برنده اذانلر او قوندي . ايلک ايشی حانيه قلعه سنی تعمیر ايتمک اولدی . هر قوماندان هانکي کدکدن شهره کيردي ايسه ، او کديکک تعميريني اوکا حواله ايتدی . آلتمش کون ايجنده ، ييقيلان يرلر کاملاً ياپيلدی . جبخانه يه ايکي بيک بش يوز قطار باروت قونولدي . دشمندن آلتان اوچ يوز طقسان بش طوپ يرلی يرينه يرلشديرلدي . يوسف پاشا بو يارلاق ظفرک خبريني کوتورمک ايجون استانبوله کمي ايله آدم يوللادی . پادشاه بو غزندن ممنون اولدی . استانبوله اوچ کون ، اوچ کيجه دونانما ياپيلدی . حانيه غازيلرندن شهيد اولانلرک روخه فاتحه لر

اوقوندى . غازیلرینه دعالر ایدلدى . کرید غازیلرینه پادشاه
طرفدن احسانلر، هدیه لر کوندرلدى . هرکس سوبنیوردی:
آرتق کریدک اک زورلو قلعه سی الیمزه کچمشدی .

دگز قهرمانلری

وندیکلیلر بو آجی بی بر درلو اونو تمادیلر . مالطه دن ، فرانسه دن، اسپانیادن امداد آلدیلر . دیکر طرفدن، ارزاق و ذخیره آله ایتمک ایچون ساحل لری میزی اوردیلر . اوزمانلر خریستان دولتلردن برچونعی مملکت مزدن ذخیره آلیرلردی . قوجه آناتولی، اهالیمیزی طویوردقدن باشقه ، یابانجیلری ده طویوروردی . خلقمز هم عسکر ، هم چیفتجی ایدی . کوزل یوردلریمز اکرلر ، بیچرلر ، دشمن هجومندن قورومق ایچون ایجابنده جانلرینی فدا ایدرلردی .

دشمن کیملری حانیه آچیق لری نه کلدکدن سوکرا ، عسکر لری میزی آتسه طوتمق ایسته دیلر؛ فقط برشی بجره مه دیلر . قره ده بولنانلری ده بونی تجربه ایتدیلر ؛ پک چوق تلفات ویره رک کری چکلدیلر . یالکنز بونکله ده قالمادیلر . دکزده کی کیملری میزی ده صقیشدیرمق ایسته دیلر . مقصدلری استانبولدن کریده کله جک امداد کیملرینی اورمق ایدی .

فی الحقیقه ، او صره ده استانبولدن چیقان یکیچریلر له طولو کیملری میز یولده ایدی . بو کیملرده چاوش رئیس ، ممش رئیس وجعفر رئیس اسمنده اوچ دکزجی واردی که ،

شجاعتری ہرکسک دیلندہ داستاندی .

دشمن، کیلیریمزہ هجوم ایتدیکی زمان، زورلو بر فورظنه
 چیقدی . کیلیریمزدن بر قسمی دشمنک هجومی اوزرینه
 باتدی . دشمن ، چاوش رئیسک کیسنی قوشاتدی . چاوش
 رئیس ، دشمن ماونہ لرینک کورہ کلرینی طوپلرله قیردی ،
 پارچه پارچه ایتدی ، کندیدی آره لرندن بیلدریم کبی
 صیریلوب چکدی . دشمن کیلیری بونک اوزرینه ممش رئیسک
 کیلیرینه صاٹاشدیلر . ممش رئیس دشمنله اولیله بر جنک
 ایتدی کہ، ہرکسک آفرینی قازاندی . دشمن ممش رئیسده
 طوتامادی . بوسفر جعفر رئیسک کیسنہ هجوم ایتدی .
 بوکیمده بر قہرمان واردی ؛ آدی مراد رئیس ایدی .
 مراد رئیس دشمنک هجومی اوزرینه بوتون غازیلرله برلشدی .
 دشمن هجومندن ییلمادی :


— یا غازی ، یا شہید !


دیدی . بوتون کون ، کیجہ یاریلرینہ قدر دشمنله
 طالغہلر اورتاسندہ پنچہ لشدی . اوگنہ کلنی بوغازندن
 یا قالا یارق دکترہ فیرلاتدی . فقط کیسنک یلکنلری یوقدی .
 بوسبیدن دشمنک الندن قورتولامادی . نہایت کیسنده بر
 قاچ آدم قانجیہ قدر دشمنہ قارشی طورددی . اسیر اولمقدانسہ
 شہید اولمائی کوزینہ آلدی . آرسلانلر کبی چارپیشدی ،
 وجودندن قانلر آقارق ، کندیدی ، کیسیده طالغہلرہ

کومولدی . او بر کبیلر حینله قورتولمشلر ، کبیلرنده کی
 عسکری کرید آطه سنه چیقارمشلردی . ذاتاً مقصوده
 بوایدی : کلن عسکر، درت بیگ سپاهی، درت بیگ یکچیری،
 و درت بیگ حصار اری ایدی .

چاوش رئیس کریده کلنجه ، باشلرینه کلنی سردار
 یوسف پاشایه آگلاتدی . یوسف پاشا دشمنی بولوب
 تپاله مک ایچون یاننه مراد آغایی آلدی ، کبیلره بیندی ،
 دشمن دونانماسنی آرامایه چیقدی . فقط او صروده دشمن
 کبیلری قاچمش، حانیه جوارنده (سودا) لیماننه صاقلانمشدی .
 سردار یوسف پاشا حانیه قلعه سنه محافظلر تعیین ایتدی .
 کندیدی ده، آلدینی امر اوزرینه، استانبوله کیتمک ایچون یوله
 چیقدی . بر آیده استانبوله کلدی . سردار یوسف پاشانک
 رینه کریده بودین والیسی دلی حسین پاشا محافظ کوندرلدی .
 غازی مراد آغاده کریده کی عسکره سکبان باشی تعیین
 اولوندی .









DR534



32101 076398161

.25

.R4

RECAP